



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**S. Avrel. Avgvstini Confessionvm Libri X**

**Augustinus, Aurelius**

**Coloniae, 1646**

Cap. II. Invocamus Deum, ut veniat in nos, etsi secundum esse suum sit in omnibus, & omnia in ipso.

**urn:nbn:de:hbz:466:1-10120**

rogandus est, & ea quæ petenda sunt, & nostras  
necessitates, quæ movent ad orandum.

## V S V S.

1. Ponit ob oculos Finem ultimum, qui est Deus.  
Primum hoc est principium vitæ Christianæ :  
*Fecisti nos ad te, & inquietum est cor nostrum, donec  
requiescat in te.* Imitatus est S. Augustinum S. Ignatius, qui idem Exercitiorum suorum Fundamentum posuit: *Creatus est homo ad hunc finem, ut  
Dominum Deum suum laudet ac revereatur, eique lib. Exec.  
serviens tandem salvus fiat.*
2. Incitat ad odium peccati, præcipue Superbiæ.  
Quot mala hujus vitæ sunt, tot sunt testimonia  
Deum esse hostem & vindicem peccati, præcipue  
Superbiæ : humiliemur itaque & fugiamus  
peccatum, cuius malitia tot testibus convicta  
est, quot sunt dolores nostri & suspiria.
3. Admonemur, ut per Orationem petamus à  
Deo gratiam, finem nostrum consequendi, quia  
sine Deo ad Deum pervenire non possumus.  
Hinc S. Aug. stabilito fine hominis, mox de in-  
vocando Deo, sive orando disserit.

## C A P. II.

*Invocamus Deum, ut veniat in nos, et si  
secundum esse suum sit in omnibus, &  
omnia in ipso.*

1. **E**t quomodo invocabo Deum meum,  
Deum & Dominum meum? Quoniam  
utique *a mi* me ipsum eum vocabo,  
cum invocabo eum. Et quis locus est in me,  
quod veniat in me Deus meus? quo Deus ve-  
niat in me, Deus qui fecit cælum & terram?  
Itane Domine Deus meus, est quicquam in  
me, quod capiat te? An vero cælum & terra,  
quæ fecisti, & in quibus me fecisti, capiunt  
te?

2. An quia sine te non esset, quicquid  
est: fit, ut quicquid est, capiat te? Quoniam  
A 2 itaque

4 S. AVR. AVGVST. CONFES.

itaque & ego sum , quid peto , ut venias in  
me , qui non essem , nisi essem in me ? Non  
enim ego jam in inferis , & tamen etiam ibi  
es ; nam , etsi *descendero in infernum* , *ades* . Non  
<sup>Psal. 138.</sup>  
<sup>3.</sup>  
ergo essem Deus meus , <sup>b</sup> non omnino es-  
sem , nisi essem in me . An potius non essem ,  
<sup>Rom. 15.</sup>  
<sup>36.</sup>  
nisi essem in te : *ex quo omnia* , *per quem omnia* ,  
*in quo omnia* ? Etiam sic Domine , etiam sic .  
*Quò te invoco* , cum in te sim ? Aut unde  
venias in me ? *Quo enim recedam extra cæ-*  
*lum & terram* , ut inde in me veniat Deus  
meus , qui dixit : *Cælum & terram ego impleo* ?

<sup>Ier. 23.</sup>  
<sup>24.</sup>

N O T A E.

- a *In meipsum eum vocabo* ) Invocare utrumque si-  
gnificat , & implorare aliquius opem , & illum  
intro vocare . In orando Deo utrumque conjun-  
gitur , hoc enim ipso quia illum imploramus , si-  
mul vocamus intro , ut veniat in cor nostrum  
per suam gratiam .
- b *Non omnino essem* , *ni essem in me* ) *ex ipsa Dei im-*  
*mensusitate recte sequitur* , *Deum esse in omnibus*  
*creaturis suis* ; *adeoque esse merum nihil* , *quid-*  
*quid non est in Deo* ; *velut pisciculus in immen-*  
*so mari* , & in quoque non est Deus , *velut*  
*mare penetrans pisciculum*.

C A P. III.

*Deus continendo omnia implet omnia* , *to-*  
*tus ubique praesens in omnibus creaturis*.

1. a **C**apiunt ergone te cœlum & terræ ,  
quoniam tu imples , ea ? An im-  
plies & restat , quoniam non te capiunt ? Et  
quo refundis , quicquid impleto cœlo  
& terra restat ex te ? Annon opus habes ,  
ut à quoquam continearis , qui contines  
omnia : quoniam <sup>b</sup> quæ imples , conti-  
nendo imples ? Non enim vasa ; quæ te ple-  
na